

Na osnovu člana 19. Pravila Javne ustanove Centar za kulturu Lukavac broj: 380/23 od 14.03.2023. godine i Pravilnika o angažmanu fizičkih lica za oblasti kulture i sporta u Javnoj ustanovi Centar za kulturu Lukavac broj: 165/23 od 07.02.2023. godine Direktor Ustanove raspisuje:

JAVNI POZIV

za dostavljanje ponuda za angažman fizičkih lica za oblasti kulture i sporta u Javnoj ustanovi Centar za kulturu Lukavac za kalendarsku 2024. godinu

Član 1.

Predmet ovog Javnog poziva je angažman fizičkih lica u oblasti kulture i sporta a u cilju realizacije Plana i programa rada Javne ustanove Centar za kulturu Lukavac za 2024. godinu a koji se odnosi na sve manifestacije koje nalaže Osnivač Grad Lukavac, manifestacije u samostalnoj režiji kao i pojedinačne kulturno – sportske sadržaje.

Član 2.

Na Javni poziv se mogu prijaviti sva fizička lica starija od 16. godina čiji samostalni angažman obuhvata rad u oblasti kulture i sporta kao i njima srodnim djelatnostima.

Član 3.

Fizička lica koja se prijavljuju na Javni poziv dužna su ispunjavati sljedeće uslove:

1. moraju posjedovati validan identifikacioni dokument na kojem je vidljiv matični broj građana kao i rok valjanosti istog
2. moraju imati otvoren i aktivan tekući račun u nekoj od banaka u BiH
3. moraju imati barem jedan javni nastup koji obuhvata angažman u oblasti kulture i sporta.

Prednje navedeni uslovi iz člana 3. ovog Javnog poziva dokazuju se:

- a) prilažanjem kopije lične karte ili pasoša
- b) prilažanjem informacija o tekućem računu
- c) prilažanjem dokaza o barem jednom javnom nastupu u oblasti kulture i sporta



Član 4.

Aplikanti su obavezni u prijavi navesti program kojeg nude kao i dužinu trajanja programa.

Član 5.

Aplikanti na Javni poziv moraju dostaviti jasno definisanu neto cijenu izraženu u Konvertibilnim markama koju potražuju za svoj angažman kao i tehničke uslove koje zahtijevaju kako bi nesmetano i na najvišem profesionalnom nivou realizovali svoj program.

Član 6.

Sve pristigle prijave na Javni poziv pregledaće Komisija za selekciju i odabir programskih sadržaja iz oblasti kulture i sporta a koju čine stručni radnici u oblasti kulture i sporta Javne ustanove Centar za kulturu Lukavac te rangirati ih i selektirati na osnovu sadržaja i vrste programa kao i cijene.

U slučaju kada određena prijava ispunjava sve umjetničke i sportske standarde, ekonomske kriterije kao i Zakonske i podzakonske akte Komisija sačinjava zapisnik o odabiru ponuđača a Sekretar Ustanove, na osnovu prijedloga Komisije, sačinjava Odluku o prihvatanju ponude te, u što kraćem roku, informiše ponuđača o istoj.

Član 7.

Prijave za Javni poziv primaju se tokom cijele 2024. godine, zaključno sa 31.12.2024. godine.

Član 8.

Sva zainteresovana fizička lica koja ispunjavaju uslove iz člana 3. ovog Javnog poziva mogu se prijaviti na način da popunjen obrazac (koji je sastavni dio ovog javnog poziva) sa potrebnom dokumentacijom dostave na e-mail adresu: prijava@czklukavac.ba ili dostave lično odnosno putem pošte na adresu:

„Javna Ustanova Centar za kulturu Lukavac

Titova BB

75300 Lukavac

Komisija za selekciju i odabir programskih sadržaja iz oblasti kulture i sporta“

Broj: 221/24

Lukavac, 7.2.2024. godine



DIREKTOR

Neven Tunjić, bacc muz. umjetnosti

PRIJAVA NA JAVNI POZIV

IME I PREZIME	
MATIČNI BROJ	
BROJ RAČUNA U BANC I NAZIV BANKE	
PROGRAM KOJI SE NUDI I DUŽINA TRAJANJA ISTOG	
CIJENA PROGRAMA KOJI SE NUDI	
TEHNIČKI USLOVI ZA REALIZACIJU PROGRAMA	
Uz prijavni obrazac potrebno je dostaviti: 1. Kopiju lične karte ili pasoša 2. Dokaz o najmanje jednom javnom nastupu	